

Pagtawag Kang Jesus Diha Sa Among Dinalian Nga Panginahanglan!”

Semana 5 - 100 ka Adlaw sa Pag-ampo

Abril 24 - 30, 2020

“Abli Kanunay”

Ni Randy Maxwell

Pipila ka Domingo ang nakalabay, si Suzette ug ako gipangkapoy nga daw gipanghawla diha sa balay busa kami nakadisir sa pag-adto sa *The Landing*—usa ka komprahanan nga plasa sa gawas didto sa Renton, Washington, diin kami nagpuyo, uban sa mga tindahan, mga kan-anan, mga serbisyo, ug usa ka daghang-iskrin nga salidahan.

Ang tindahan sa antipara nga gituyo ko sa pagduaw adunay usa ka timaan sa pultahan nagaingon nga, tungod sa COVID-19, sila sirado hangtud sa dugang pasabot. Apan dili lang kadto maoy nag-inusara. Nagmaneho ko palibot sa tindahan sa *Ross*—sirado. Ang *Dick’s Sporting Goods*—sirado. Ang *Marshall’s*—sirado. Ang *World Market*—sirado. Ang parkinganan murag lungsod nga taw-an. Ang tagolilong nga bayrus nagapakita sa gahum niini sa pagpahanaw sa mga kotse ug mga mamalitay.

Pipila lang ka adlaw adisir pa, si Gobernador Jay Inslee nagpagula og mando sa pagpabilin-sa-puloy-anan nga sa mahinungdanon nagpasirado sa tibuok estado sa Washington. Busa mao man usab kini ilalum niini nga mando nga ako nagasulat niini nga debosyonal. Mao nga nakadayeg ako sa usa ka himamat kang Jesus uban ang usa ka maduhaduhaong tigpangita sa kamatuoran nga ginganla og Nataniel.

Si Jesus naglakaw paingon sa Galilea. Samtang paingon ngadto, Iyang gihangyo si Felipe sa pagsunod kaniya. Unya gipangita ni Felipe ang iyang higala, si Nataniel, ug nag-asoy kaniya, “Among gikahibalag siya nga mahitungod gani kaniya si Moises diha sa kasugoan ug usab ang mga profeta nanagsulat, mahitungod kang Jesus nga Nazareton, nga anak ni Jose.” Juan 1:45

Ang paghisgot sa Nasaret nagpatawag sa susama nga sumbalihok diha kang Nataniel nga nabatnan sa katawhan karon sa paghisgot sa coronavirus—kini nakapasirado sa mga butang. “Nasaret! Aduna ba guy maayong butang gikan sa Nazaret?” nangutana si Nataniel. Tingali kita mangutana, Aduna ba guy maayong butang gikan ning coronavirus? Gikan sa kahasol ug pagbuto sa sosyal nga pagpadistansya? Gikan sa kakulang sa abilidad sa mga kongregasyon sa pagtigum diha sa ilang mga simbahan? Apan usahay ang mga maayong butang nagagikan sa mga maot nga dapit o kasinatian.

Alang sa kadaugan ni Nataniel, siya miuyon sa pagdapit ni Felipe sa “pag-ari ug sa pagsuta” ug mikuyog uban kaniya. Nakita ni Jesus si Nataniel nga nagdangarang ug nag-ingon, “Tan-awa, aniyad usa ka tinuod gayud nga Israelinhon, kang kinsa wala ang pagkalimbongan.”

“Naunsa ba nga nakaila ka man diay kanako?” nangutana si Nataniel. Mitubag si Jesus, “Sa wala ka pa tawga ni Felipe, samtang nagpasilong ikaw diha sa kahoyng iger, nakita ko

ikaw.” Juan 1:48 Dihadiha, ang pagtoo nag-abli sa siradong hunahuna ni Nataniel ug siya nagkompisal: “Rabi, ikaw mao ang Anak sa Dios! Ikaw mao ang Hari sa Israel!” (b. 49)

“Ug si Jesus mitubag kaniya, "Mitoo ba ikaw tungod lang sa akong pag-ingon kanimo nga nakita ko ikaw nga nagpasilong diha sa kahoyng iger? Makita ra unya nimo ang labi pa ka dagkung mga butang kay niini." Ug siya miingon pa kaniya, "Sa pagkatinuod, sa pagkatinuod, magaingon ako kaninyo, nga makita ra unya ninyo ang langit nga maabli ug ang mga manolunda sa Dios nga magakayab ug magakunsad sa ibabaw sa Anak sa Tawo." (b. 50-51)

Sa bautismo ni Jesus, “naabli ang langit,” ug ang Dios nagdihog ug pinaagi sa pulong nagpanalangin sa Iyang Anak. (Tan-awa ang Mat. 3:16-17). “Dinhi sa dayag si Cristo nagaingon, ‘Sa daplin sa Jordan ang kalangitan nangaabli, ug ang Espirito mikunsad sama sa usa ka salampati ibabaw Kanako. Kadto nga talan-awon mao kondili usa ka timaan nga Ako mao ang Anak sa Dios. kon ikaw motuo Kanako sa ingon, ang imong pagtoo mapalagsik. Makita nimo nga ang kalangitan mangaabli ug dili gayud masirado. Giablihan Ko na kini alang kanimo. Ang mga manolunda sa Dios nagasaka, nagadala sa mga pag-ampo sa mga nanginahanglan ug naproblema nagdto sa Amahan sa itaas, ug nagapanaug, nagadala sa panalangin ug paglaum, kasibut, tabang, ug kinabuhi, ngadto sa mga anak sa katawhan.” (*Desire of Ages*, p. 142, 143)

Aleluia! Ang langit abli! Ang Langit kanunay abli, ug walay butang—nga dili pihig, o duhaduha, o COVID-19, o pabilin-sa-balay nga kamandoan, o mga demonyo, ni kahabogon ni kalalumon, ni bisan unsang butang diha sa tibuok nilalang makapasirado sa mga pultahan niini. (Tan-awa ang Rom. 8:39). Ug unsay buot ipasabot sa langit nga pagaablihan? Kini nangahulogan, nga ikaw ug ako adunay bug-os ug hingpit nga agianan ngadto sa matag butang nga atua didto, ug sa mga “estante” nga kanunay giiponan sa matag butang nga atong gikinahanglan.

Unsay atua didto sa langit alang kanato?

Matag butang nga atong gikinahanglan alang sa kinabuhi ug pagkadiosnon (2 Pet. 1:3).

Ang bunga sa Espiritu (Gal. 5:22, 23).

Ang tibuok hinagiban sa Dios (Efe. 6:14-17).

Hilabihan ka daku ug bililhong mga saad (2 Pet.1:4).

Bag-o pagkatawo ngadto sa usa ka buhing paglaum (1Pet. 1:3-5).

Ang alimpatakan ni Cristo (1 Cor. 2:16).

Matag espiritoohanong panalangin diha kang Cristo (Efe. 1:3).

Abli ang langit ug si Jesus naghatag kanato sa mga yawi ngadto sa gingharian (Mat. 16:19). Kana nga yawi mao ang pag-ampo. Ang mga manolunda mao ang mga ahente sa “Lazada delivery” sa langit, nagadala sa atong mga pag-ampo ngadto sa Amahan ug nagapanaug, nagadala sa mga panalangin nga atong labing gikinahanglan—paglaum, kasibut, tabang, ug kinabuhi alang kanato.

Ang *The Landing* tingali sirado, ang basketbolanan tingali sirado, ang duwaan og *hockey* tingali sirado, apan ang Langit abli sa kanunay. Nan ayaw kahadlok. Si Jesus nagaingon, “Kon pinaagi sa akong ngalan mangayo kamog bisan unsa, kini akong pagabuhaton” Juan 14:14. Busa, “Ngangha pagdaku ang imong baba, ug pagapun-on ko kini” Sal. 81:10.

Kini nga Coronavirus dili makapugong sa Dios. Pag-ampo sigon nga wala pa gayud sukad sa una, tungod ang Langit abli kanunay.

Si Randy Maxwell mao ang pastor sa Renton Seventh-Day Adventist Church didto sa Rento, Washington, diin siya nagpuyo kauban sa iyang asawa, si Suzette. Siya ang magsusulat sa “If My People Pray” ug “Bootcamp for the Last Days.”

MGA PANGUTANA SA KASINGKASING: Ang imo ba nga mga espiritohanong estante nahawan ba og diyutay sa pipila ka mga dapit tungod sa kapuliki ug kadalidali sa kinabuhi sa kataposang mga pipilang katuigan? Tingali adunay pipila ka mga langitnong pagsangkap ug grasya nga imong gikinahanglan nga iponon? Mas dugang pa, kon ikaw makapangayo alang sa bisan unsa nga espiritohanong gasa, alang sa kadaugan diha sa bisan unsa nga tino nga kadak-on, o alang sa pipila nga uban pang espiritohanong panalangin, unsa untay imong pangayoon? Hunahunaa kini nga mga pangutana sulod sa pipila ka minutos.

AKTIBONG HAGIT SA KASINGKASING: Nganong dili ka maggahin og panahon sa pagsulat sa mga butang nga gibati nimo nga anaa sa panginahanglan ning semahana—unya tan-awa ang mga piho nga saad sa Biblia diin ang Dios nagaasoy kanato nga Siya magasangkap niana nga piho nga panginahanglan. Kon kini kwarta sa pagbayad sa mga balayran, o kusog diha sa usa dapit diin ikaw maluya sa espiritohanon, pagsugod nga aktibo sa pag-angkon sa mga saad sa Dios inig-ampo nimo.

“Dili ka kinahanglan moadto pa sa mga tumoy sa yuta alang sa kaalam, kay ang Dios haduol. Dili kini ang mga kasarang nga imong gibatnan karon o gayud ang pagbaton niana ang mohatag kanimog kalamposan. Kini mao kanang unsay maarangan nga himoon sa Ginoo alang kanimo. Wala kita manginahanglan sa pagbaton og menos kaayo nga kompiyansa diha sa kon unsay maarangan sa tawo ug mas kompiyansa kaayo diha kon unsay maarangan sa Dios alang sa matag nagatuo nga kalag. Siya nangandoy nga ikaw makaabot pinasikad Kaniya pinaagi sa pagtoo. Siya nangandoy sa kanimo sa pagtamod sa mga dagkung butang gikan Kaniya.”
(*Christ Object Lessons*, p. 146)

Mas Palaluman – Mga Dugang nga Sugyot sa Pagbasa alang ning semanaha:

- Ellen White, *Steps to Christ*, capitulo 11, “Ang Pribilihiyo Sa Pag-ampo” - Nalakip
- Randy Maxwell, *Boot Camp for the Last Days*



Adlaw 29 – Tutok Sa Pag-ampo – Biernes, Abril 24, 2020

TAHO SA PAGDAYEG! Ang Youth Department sa Euro-Asia Division diha sa Moscow, Russia, nag-oganisa og usa ka pag-ampo nga sumpay-sumpay sa tibuok dibisyon alang sa mga kabatan-onan pinaagi sa Zoom sa pagkakaran. Ang mga sumasalmot nadugtong gikan tadlas sa dibisyon, nagatutok sa gahum sa Dios, sa Iyang pagbantay, ug pag-ampo. **Bulahan ang Dios!**

- Iampo nga ang atong kabatan-onan palibot sa kalibutan mopadayon sa pagpangitag mga pamaagi sa pagtigum diha sa pag-ampo. Ug pagtuon sa Biblia. Iampo nga ang

kasinatian nga ila karong naangkon uban kang Jesus tungod niining krisis magmalahutayon.

- Iampo ang mga ginikanan nga nakigbisog sa pagtudlo o sa pagtabang sa pagsuta sa edukasyon nga online sa ilang kabataan atol niini nga pandemia. Pag-ampo alang sa kaalam ug kasibut alang sa mga ginikanan!
- Iampo ang mga mogradwaray nga mga estudyante sa hayiskol ug kolehiyo nga karon dili makapaso sa normal nga paggradwar. Pag-ampo alang sa kasibut alang kanila, ug kapaingnan sigon kon unsay mga plano nga ilang pagahimoon alang sa umalabot.
- Pag-ampo alang sa kapiskay, kusog, ug inspirasyon alang sa mga pangulo sa ministryo sa mga batan-on, mga tagtudlo, mga magtutudlo, ug uban pang nagatrabaho alang sa pagpadasig ug pagpaawhag sa atong mga batan-on atol niining krisis.
- Iampo ang *It Is Written* nga online nga wali “Paglaum Gipukaw” nga karon pa lang nagsugod. Adunay daghan nga mga babag ug nahibalo kita nga ang kaaway nagalihok sa tibuok oras sa pagtipig ning programaha sa pag-uswag sa unahan. Tipigi ang mga pag-ampo nga nagatumbok niining importante kaayo nga mga serye. (Sa pagkat-on og dugang duawa ang: <https://www.discoverhopeawakens.com>).



ADlaw 30 – Tutok Sa Pag-ampo - Sabado, April 25, 2020

Pag-ampo Sumala sa Kabubut-on sa Dios

“Ug ang atong nabatonang pagsalig kaniya mao kini: nga kon mangayo kitag bisan unsa sumala sa iyang kabubut-on, siya magapatalinghug gayud kanato.” 1 Juan 5:14

“Diha sa pag-ampo sa pagtoo adunay usa ka diosnong siyensya; kini maoy usa ka siyensya nga ang matag usa sa paghimo sa iyang bulohaton sa tibuok kinabuhi nga usa ka kalamposan kinahanglan masabtan. Si Cristo nagaingon, “Busa sultihan ko kamo, nga bisan unsay inyong pangayoon pinaagi sa pag-ampo, toohi nga inyo na kini nga nadawat, ug kamo magadawat niini.’ Markos 11:24. Siya nakapayano nga ang atong pagpangayo kinahanglan pinasikad sa kabubut-on sa Dios; kinahanglan kita mangayo sa mga butang nga Iyang gisaad, ug bisan unsay atong madawat kinahanglan pagagamiton sa pagbuhat sa Iyang kabubut-on. Ang mga kahintang nga masugatan, ang saad maoy dayag... Kita nanginahanglan sa pagtan-aw sa unahan nga walay pakaaron-ingnon nga ebidensya sa panalangin. Ang gasa anaa diha sa saad, ug kita makapadayon sa pagbuhat nga makasiguro nga unsay gisaad sa Dios nga Siya arangan sa paghimo, ug nga ang gasa, diin ato nang gihuptan, mahitabo inig labing manginahanglan kini niini.” *Education*, p. 258

Mga Pangutana sa Kasingkasing:

Nakaampo ka na ba alang sa usa ka butang nga nahibalo ka nga dili kabubut-on sa Dios, apan gikinahanglan mo na gayud, sabagay ikaw nagapadayon sa pag-ampo? Sagad ang balik-tan-aw mas maayo kay sa pagpanglantaw. Nganong dili ka maggahin og pipila ka mga gutlo karon sa pagbalik-tan-aw ug sa pagpasalamat sa Dios alang niadtong mga piho nga pag-ampo nga imong giampo nga Siya wala magtubag, kay karon ikaw nakakita na niini nga dili kini maoy mga labing maayo nga interes alang kanimo.

TAHO SA PAGDAYEG: Samtang kita nawad-an og mga hinigugma tungod sa COVID-19, adunay uban nga sa maikagon atong giampo alang niadtong kansang mga kinabuhi nga giluwat sa Dios. Daygon nato Siya tungod niadtong mga panghitabo diin Siya nagluwas. Ug pangitaon nato ang paghupot sa atong “Bulahang Paglaum” samtang kita magsalig Kaniya uban ang mga nangawala nga dili nato masabtan sa pagkakaran.

- Iampo kadtong mga anaa sa dapit sa Chattanooga Tennessee diha sa Estados Unidos nga bag-o lang nakasinati og daghang mga makahahadlok nga mga buhawi. Daghan ang nawad-an og mga puloy-anan ug pipila nakalas ang kinabuhi, ugkaron anaa sa taliwala ning pandemia sa COVID-19, sila nakigbisog sa pagpaalim og pagpaayo.
- Iampo kadtong mga anaa diha sa mga kabus nga nasud nga wala na makatrabaho. Pag-ampo alang sa pagsangkap og pagkaon ug mga gikinahanglan nga pagsangkap alang mga sakop sa iglesia diha niini nga mga rehiyon.
- Kanunay magaampo alang sa mga propesyonal sa mediko nga anaa sa unahang hanay sa pakigbugno niini nga epidemia. Iampo ang ilang maayong panglawas gikan COVID-19, ug ang ilang emosyonal nga kahilwasan sigon nga sila nagpatigayon sa mga undak ug ag-ag niini nga pandemia.
- Padayon sa pag-ampo alang sa daghang mga organisasyon, ug ginagmay nga mga negosyo nga nanag-antus sa paninapi ingon nga usa ka resulta niini nga lockdown. Iampo ang pagsangkap ug kaalam unsaon sa pagpadayon sa unahan.
- Iampo ang kaalam alang sa mga pangulo sa pangagamhanan nga sila mahibalo unsaon ug kanus-a magsugod sa pag-abli sa mga butang pag-usab alang sa ekonomiya.



Adlaw 31 – Pagtutok Sa Pag-ampo - Domingo, Abril 26, 2020

Pag-ampo ug Tan-awa ang Paglihok sa Langit

“Mahitungod kanako, magatawag ako sa Dios; Ug si Jehova magaluwas kanako. Kahaponon, ug kabuntagon, ug sa kaudtohon, ako magamahay ug magaagulo; Ug

mabati niya ang akong tingog. 18 Iyang gitubos ang akong kalag sa pakigdait gikan sa gubat nga batok kanako; Kay daghan sila nga miasdang batok kanako.” Salmo 55:16-18

“Ang pag-ampo mao ang usa ka giordina-sa-langit nga paagi sa kalamposan. Mga paghangyo, pangalyupo, pamarayeg, taliwala sa tawo ug tawo, nagpalihok sa katawhan ug nagbuhat og usa ka bahin diha sa pagpugong sa mga tulomanon sa kanasuran. Apan ang pag-ampo nagapalihok sa langit... Pag-ampo, pagtoo, kompiyansa diha sa Dios, nagadala og usa ka diosnong gahum nga nagapatigayon sa mga tawhanong pagkalkulo diha sa ilang tinuod nga katakos—ang pagkawalay-kangho... Siya nga nagabutang sa iyang kaugalingon diin ang Dios makapadan-ag kaniya, mosulong, sigon nga kini maoy dapat, gikan sa tipik sa pagkawalay-klaro sa kadlawon ngadto sa kapuno sa kagilaw sa udtong-totok.” *In Heavenly Places*, p. 75

Mga Pangutana sa Kasingkasing:

Unsa ang pinakaimposible nga butang nga imong giampo nga himoon sa Dios? Kini ba ang pagdala og panag-uli tali kanimo ug sa usa nga imong gihigugma? Kini ba ang pagpahiuli sa usa ka nakay-ag nga kaminyoon, o pagpahiuli sa usa ka anak sa pagbalik ngadto sa pagtoo? Isulat ang pipila nga mga imposible nga pag-ampo sa imong kasingkasing karon, ug unya gawas niadtong mga pag-ampo, isulat ang mga piho nga saad gikan sa Pulong sa Dios. Sugdi pinaagi sa pag-angkon sa mga mosunod nga saad: Marcos 10:27, Lucas 18:27, 1 Juan 5:14

Kita nagadayeg sa Ginoo nga ang Dios naggamit na niining pandemia sa COVID-19 sa pagdala og panag-uli tali sa daghan, ug kita nahibalo nga ang Dios nagatinguha sa pagbuhat sa susamang milagro sa kaayohan alang mas daghan pa.

- Iampo ang atong mga membro sa iglesia tadlas sa nagkadaiyang mga nasud sa Africa, mga isla sa Caribbean, ug sa mga nasud sa tunga ug habagatang America sigon nga sila nakigbisog sa pandemia sa Coronavirus.
- Iampo kadtong anaa sa imong kaugalingong iglesia ug kumunidad nga naigo sa krisis sa paninapi. Iampo nga ang ilang mga panginahanglan mahatagan.
- Iampo ang usa ka mahatagon nga kasingkasing sa pagpahat kon makauban mo ang usa ka tawo nga may sobra nga kita. Iampo nga kita ingon nga usa ka panimalay nga iglesia maghiusa sa pagtindog kauban sa atong mga igsuong lalaki ug babaye diha sa panginahanglan.
- Iampo nga ang Dios magadala kanato sa mas lalum diha sa atong debosyonal nga panahon uban Niya, dili lang sa pagganansya og tabang ug mga panalangin, kondili nga ang atong kinadak-ang tinguha mahibaloan Niya sa tinuod.
- Iampo nga ang mga sakop sa iglesia sa tibuok kalibutan mopahimulos sa panahon sa pagpahat og mga espiritoanong kahinguhaan nga maikagon, ang *It Is Written* “Paglaum Makapapukaw” nga serye, o ubang espiritoanong pagkaon uban ang mga silingan ug kahigalaan diha sa panginahanglanon.



Adlaw 32 – Pagtutok Sa Pag-ampo - Lunes, Abril 27, 2020

Iampo Ang Mga Saad

“Ang iyang diosnong gahum naghatag kanato sa tanang butang bahin sa kinabuhi ug pagkadiosnon, pinaagi sa atong kahibalo kaniya nga nagtawag kanato sa iyang kaugalingong himaya ug pagkahalangdon, 4 nga tungod niana kita iyang gikahatagan sa bililhon ug dagku uyamot nga mga saad, aron nga pinaagi niini kamo managpakaikyas gikan sa pagpangadunot nga ania sa kalibutan tungod sa pangibog, ug mangahimo kamong mag-aambit sa diosnong kinaiya.”

2 Pedro 1:3-4

“Ang matag saad diha sa Pulong sa Dios maoy alang nato. Diha sa imong mga pag-ampo, ipresentar ang panumpa nga pulong ni Jehovah ug pinaagi sa pagtoo mag-angkon sa Iyang mga saad. Ang Iyang Pulong mao ang kasigurohan nga kon mangayo ka diha sa pagtoo, ikaw modawat sa tanan nga espritohanong mga panalangin. Padayon sa pagpangutana, ug ikaw makdawat og hilabihan ka abunda labaw sa tanan nga imong gipangayo o gihunahuna. Edukara ang imong kaugalingon sa pagbaton og dili-limitado nga kompiyansa diha sa Dios. Isangon tanan nimong problema ibabaw Kaniya. Paghulat nga mapailubon alang Kaniya, ug Siya mopalabay ra niini.

In Heavenly Places, p. 71

Mga Pangutana sa Kasingkasing:

Unsay buot ipasabot sa pagbaton og dili-limitadong kompiyansa diha sa Dios ug sa Iyang Pulong? Kon ang matag saad diha sa Pulong maoy hinoon alang kanato, sigon nga kita giasoyan, nganong kita sa gihapon sagad kaayo labing pawala sa pagkuha sa Dios diha sa Iyang Pulong? Unsa ang pipila nga mga paagi kita makausab sa atong mga pag-ampo sa nagpungapunga nga duhaduha ngadto sa mga pag-ampo nga may masaligong pagtoo? (Sugyot: Basaha ang Juan 6:37, Heb. 11:6, ug Rom. 10:17)

Kita nagadayeg sa Ginoo sa pagpalihok sa mga teknikal nga isyu uban sa PAGLAUM MAKAPAPUKAW nga mga serye uban sa *It Is Written*. Kita nagapadayon sa pag-ampo alang sa pagsangkap sa Dios ug panalipod ibabaw niini nga mga serye.

- Iampo kadtong mga nagapamati ug nagatan-aw karon sa “Paglaum Makapapukaw” nga mga serye uban sa *It Is Written*. Iampo nga daghang mga kasingkasing ug mga kinabuhi ang mausab sa walay kataposan.
- Iampo kadtong mga nakigbisog sa COVID-19. Iampo nga ang Dios unta maghatag kanila sa ginihawa sa kaayohan sa lawasnon ug sa espiritohanon.
- Iampo ang tanan nga anaa sa unang hanay ug mga trabahador sa panginahanglanon, gikan sa kawani sa mediko ngadto sa mga trabahante sa mga tindahan, ug sa mga tigdeliber. Iampo nga ang mapanalipdong kamot sa Dios

maanaa ibabaw kanila samtang sila magserbisyo sa uban ug matipig sa atong mga mahinungdanong panginahanglan nga abli sa tanan.

- Pag-ampo alang sa mga tiguwang nga anaa naungot diha sa mga balay-atimananan diin ang panimalay dili makaduaw. Ang pipila dili makasabot kon ngano mao kini ang nahitabo. Iampo nga ang nagasustener nga grasya sa Dios maanaa uban kanila.
- Iampo kadtong mga nakigbisog sa kabalaka, kahadlok, ug hilabina alangn iadtong mga nag-inusara sa pagpuyo. Kon may nailhan ka nga sibo sigon sa gihisgotan sa ibabaw, pag-ampo og paagi sa pag-abot kanila ug sa pagpakita og pagpakabana— diha sa usa ka hilwas ug nagakaigo nga paagi nga katilingbanon.



Adlaw 33 – Tutok Sa Pag-ampo - Martes, Abril 28, 2020

Pag-ampo Alang sa Kaluwasan

“Gipangita ko si Jehova, ug gitubag niya ako, Ug giluwasa niya ako gikan sa tanan ko nga mga kahadlok. Nanagtutuk sila kaniya, ug gihayagan sila ; Ug ang ilang mga nawong dili gayud maulawan. Kining kabus nga tawo nagtu-aw, ug gipatalinghugan siya ni Jehova, Ug giluwasa siya gikan sa tanang mga kalisdanan niya. Ang manolonda ni Jehova magapahaluna sa paglibut sa mga nangahadlok kaniya, Ug magaluwas kanila.” Salmo. 34:4-7

“Kita may gamay kaayo nga pagtoo. Gilimitahan nato ang Balaang Usa sa Israel. Kinahanglan kita mapasalamaton nga ang Dios nagakunsad sa paggamit ni bisan kinsa kanato ingon nga Iyang mga galamiton. Kay matag maikagon nga pag-ampo gipohonan diha sa pagtoo alang sa bisan unsang butang, pagabalikan og mga tubag. Mahimong kini dili moabot sigon sa atong gidahom; apan kini moabot—dili sigon sa atong gimugna, apan sa labing gutlo sa dihang labing gikinahanglan kini nato.” *Gospel Workers*, p. 92

Mga Pangutana sa Kasingkasing:

Tingali samtang tan-awon nimo palibot sa imong sirkulo nga katilingbanon makita nimo ang pipila nga sa matuod nakigbisog diha sa ilang pagtoo. Nganong dili ka maghunahuna mahitungod sa pipila ka mga praktikal nga mga pamaagi sa pagpahat og pagtoo ngadto sa usa ka ig-suong lalaki o babaye nga anaa sa panginahanglan. Tingali magapahat og usa ka maayong libro (magrekomentar og usa ka maayong libro) nga nagapanday og pagtoo sama sa “Usa Ka Libo Ang Mangapukan” o “Usa Ka Milagro Human Sa Lain.” Sa dihang makita nato giunsa sa Dios pagbuhat og mga milagro diha sa mga kinabuhi sa uban, kita makabaton og kompiyansa alang sa atong kaugalingong kinabuhi karon. O tingali magsulat og usa ka kard nga may pipila ka mga saad sa Biblia ug ihatag kini ngadto sa usa ka tawo nga anaa sa panginahanglan. Kon dili ka sigurado kinsay imong aboton, pangayo sa Dios ug Siya magapakita kanimo!

TAHO SA PAGDAYEG:

Sa Pilipinas, ingon nga usa ka resulta niini nga pandemia, gatusan ka mga batan-on nag-ampo sa hiniusa matag adlaw gamit ang Zoom, ug daghang mga kasingkasing ang nangapusgay ug mas nahaduol ngadto kang Jesus. Daygon lang nato ang Ginoo alang sa espiritu sa pag-ampo sa pagtubo bisan diin. Ingon man daghan ang nagapangita sa maikagon og usa ka mas lalum nga pagsabot sa Pulong sa Dios.

- Iampo ang imong lokal nga pastor. Iampo nga ang Dios magsustener Kaniya, magpanalipod kaniya, ug sa importante, magpuno kaniya og bisan pa mas abunda nga pagbobo sa Balaang Espiritu.
- Iampo ang atong sa Conferensya Heneral nga pagpangulo sa iglesia , mga administrador, mga direktor sa mga derpartamento ug mga kawani. Pag-ampo nga ang Dios maghatag kanilag kaalam samtang ilang pangitaon ang pagpangulo ug pagpadasig sa misyon sa iglesia tadlas ning krisis.
- Pray specifically for Ted Wilson, General Conference president, GT. Ng, secretary, and Juan Prestol, treasurer. Pray for special wisdom for them, protection for their families, and Holy Spirit blessing as they lead us through this crisis.
- Iampo sa piho si Ted Wilson, pangulo sa Conferensya Heneral, si GT Ng, ang sekretaryo, ug Juan Prestol, tesorero. Pag-ampo alang sa pinasahi nga kaalam alang kanila, panalipod alang sa ilang mga panimalay, ug panalangin sa Balaang Espiritu samtang sila magpangulo kanato tadlas niining krisis.
- Pag-ampo alang sa pagpangulo sa Dios alang sa umalabot sa atong iglesia. Pag-ampo nga kita dili mag-usik niini nga oportunidad sa pagpahat sa gugma ni Jesus ug sa mga matahom nga kamatuoran sa Pinadayag 14 ug 18, uban sa kalibutan nga anaa sa panginahanglan.
- Pag-ampo nga maikagon sa Ikaduhang Ulan nga modangat sigon sa gisaad sa Dios, aron ang buhat matapos ug kita makapamauli na. Dili na kini panahon sa mga bulohaton sigon sa naandan. Kini panahon na sa pagtapos sa buhat ug mangandam sa pagsugat ni Jesus.



Adlaw 34 – Tutok Sa Pag-ampo - Miyerkoles, Abril 29, 2020

Pag-ampo Kanunay Diha Sa Pagkamapaubsanon!

“Si Jehova mahimo usab nga usa ko ka hataas nga torre nga dalangpanan alang sa mga linupigan, Usa ka hataas nga torre sa mga panahon sa kagul-anan; 10 Ug kanimo managsalig ang mga nakaila sa imong ngalan, Kay ikaw, Oh Jehova, wala mobiya niadtong mga nanagpangita kanimo. 11 Mag-awit kamo ug mga pagdayeg kang Jehova, nga nagapuyo sa Sion: Ipahayag ninyo sa katawohan ang iyang mga buhat. 12 Kay siya nga

nagahimo ug panimalus tungod sa dugo, nahanumdum kanila; Siya wala malimot sa pagtu-aw sa mga kabus.” Sal. 9:9-12

“Usa ka maikagon nga pag-ampo ginahalad gikan sa usa ka mabasolon nga kasingkasing sa usa nga nagatinguha sa pagbuhat sa kabubut-on sa Agalon maoy mas may balor diha sa panan-aw sa Dios kay sa kalarino sa pagsulti. Ang tawhanong ahente mahimong walay tingog diha sa mga konseho sa magbabalaod, mahimong siya dili pagtugtan sa pagsulti diha sa mga senado o sa pagbotar diha sa mga parlamento. Apan siya adunay alagian ngadto sa Dios. Ang Hari sa mga hari nagaduko sa ubos aron sa pagpamati sa pag-ampo gikan sa usa ka ubos, mabasolon nga kasingkasing. Ang Dios nagapamati sa matag pag-ampo nga ginahalad uban sa insenso sa pagtoo. Ang kinaluyahan nga anak sa Dios makahimo og usa ka impluwensya diha sa kahiuyon sa mga konseho sa langit.” *That I May Know Him*, p. 270

Mga Pangutana sa Kasingkasing:

Sigon sa usa ka magsusulat nakauyon sa pag-ingon, “Ang garbo wala mamati. Kini nahibalo nang daan.” Aduna bay mga pamaagi nga tingali gitugotan mo ang garbo sa pag-impluwensya sa imong hiyas sa pagpamati? Aduna bay mga pamaagi nga gitugotan mo ang garbo sa pagdumala sa imong dila, o bisan sa pagdikta sa imong mga pag-ampo? Kon ingon, pag-ampo nga ang Dios magpakita kanimo unsaon sa pagpangayo og kapasayloan gikan niadtong imong nasakitan gumikan sa imong mga garbosong paagi sa pagsulti ug pagkinabuhi (Tan-awa ang Santiago 4:10, Isa. 57:15)

TAHO SA PAGDAYEG: Kita nagdayeg sa Dios nga Siya may kontrol niing kalibutana ug sa gihapon Siya nagalingkod sa trono. Bisan pa ang kinabuhi daw sa dili na mapugngan karon alang sa kadaghanan nato, kita makapahulay diha sa seguridad sa walay kataposang mga bukton nga nagasaad nga Siya dili magabiya kanato ni magpasibaya kanato. Hinumdumi, Siya nakakita sa tanan niini nga pandemia sa COVID19 sa wala pa kini miabot sa atong kalibutan, ug walay butang nga makahilabot kanato gawas kon kini Iyang tugotan. Busa kon kita nakigbisog sa sakit, sa kawalad-on sa paninapi, o sa ubang mga pagsulay ug kahapdos—daygon nato ang Dios nga sa gihapon Siya anaa sa trono ug unsay daotan nga tumong sa kaaway Siya makahimo niini ngadto sa kaayohan.

- Pag-ampo sa pinasahi alang niadtong mga walay tingog sa pagpakig-away alang sa ilang kaugalingon o sa pagpangayog tabang nga ilang gikinahanglan atol niining krisis.
- Pag-ampo alang sa kabataan, sa mga tiguwang, sa mga dali-matakdan, ug ang mga nag-inusara nga inahan nga nanglimbasog nga mabuhi.
- Pag-ampo alang sa mga kagyo nga populasyon nga nagkampo sa tibuok Uropa, Grecia, ug ubang mga nasud palibot sa kalibutan. Pag-ampo alang sa pagsangkap sa ilang mga panginahanglan, sa panambal, ug alang sa lang mga katungod ingon nga mga tawong binuhat nga gipaglaban.
- Padayon sa pag-ampo alang sa daghang mga misyonero nga natanggong sa ilang mga dapit nga gitrabahoan sa nagkadaiyang mga dapit palibot sa kalibutan. Iampo

ang ilang pagsangkap alang sa ilang mga lawasnon nga panginahanglan ug kahilwasan.

- Pag-ampo alang nagapadayon nga kusog ug rehabilitasyon alang niadtong mga nangaayo gikan sa Coronavirus. Pag-ampo alang sa kaayohan sa mga baga, ug kusog sa pagbalik ngadto sa naandan nga kinabuhi.



Adlaw 35 – Tutok Sa Pag-ampo - Huebes, Abril 30, 2020

Pag-ampo Alang Sa Iyang Grasya

“Apan siya nag-ingon kanako, "Ang akong grasya igo alang kanimo, kay ang akong gahum ginahingpit diha sa kahuyang." Sa ingon niana, labi pang igakalipay ko diay hinoon ang pagpasigarbo tungod sa akong mga kahuyang aron ang gahum ni Cristo magapandong kanako. Busa, tungod kang Cristo igakalipay ko ang mga kahuyang, mga pagbugalbugal, mga kalisdanan, mga paglutos, ug mga kasakitan; kay sa diha nga magamahuyang ako, magamalig-on man hinoon ako.” 2 Cor. 12:9-10

“Ang Dios mohimog dagkung mga butang alang niadtong nagsalig diha Kaniya. Ang rason ngano ang Iyang nagatuong katawhan walay daku-daku nga kusog mao nga sila nanagsalig kaayo sa ilang kaugalingong kaalam, ug wala nanaghatag sa Ginoo og oportunidad sa pagpadayag sa Iyang gahum sa ilang katungod. Siya motabang sa Iyang matinuohon nga kaanakan diha sa matag emerhensiya kon sila magabutang sa ilang tibuok nga kompiyansa diha Kaniya ug sa matud-anon magatuman Kaniya.” *Patriarchs and Prophets*, p. 493

Mga Pangutana sa Kasingkasing:

Samtang ikaw mamalandong sa Hebreohanon 4:12, unsaon nimo sa pagtan-aw ang Pulong sa Dios nga nagadulot sa imong kaugalingon nga kasingkasing? Ikaw ba nakonbiktar pinaagi sa usa ka butang nga imong nabasa diha sa Pulong sa Dios bag-o lang? Nagbuhat ba ikaw sigon sa imong konbiksyon, o imo bang naduso ang mga hagawhaw sa Balaang Espiritu palayo? Ipahat ang imong mga hunahuna sa imong kauban. Unya pag-ampo nga kita ingon nga usa ka katawhan dili lamang mamati sa Pulong ug mahigugma sa Pulong, kondili nga kita usab mangita sa pagkinabuhi pinasikad sa Pulong.

TAHO SA PAGDAYEG:

Kita nagadayeg sa Ginoo alang sa daghang mga video, wali, seminar sa maayong panglawas, ug uban pang kahinguhaan nga gipangpahat pinaagi sa katawhan sa Dios niining naglabay nga pipila ka semana. Kini nga mga matahom ug tinuga sa Balaang Espiritu nga mga kahinguhaan maoy mga panalangin sa tinuod alang sa mga linibo. Diha taliwala sa krisis ang katawhan sa Dios nagasiga alang sa Iyang himaya.

- Iampo nga ang Dios magpasidungog sa saad sa Salmo 91:7, nga “Mangapukan ang usa ka libo sa imong kiliran, Ug ang napulo ka libo sa imong toong kamot; Apan kanimo kini dili makaabut.”
- Pag-ampo alang sa atong Adventist Chaplaincy Department sigon nga sila nagabuhat sa pagpahupay ug pagpatuboy niadtong mga nakigbisog ug anaa sa panginahanglan.
- Pag-ampo alang niadtong tabok sa Tungang Sidlakan ug Asia nga gipanglutos tungod sa ilang pagtoo. Iampo nga sila magpabiling kusgan, ug ipakita ang gugma ni Jesus ngadto sa ilang mga maglulutos.
- Padayon sa pag-ampo alang sa mga bag-ong plano nga ginaorganisa alang sa pag-eskedyul pag-usab sa General Conference Session nga mahinabo sa sunod Mayo 20-25, 2021, didto sa Indianapolis. Iampo nga ang sesyon mapuno sa espiritohanon, tutok-sa-misyon nga mga plano ug nga ang Balaang Espiritu may bug-os nga kontrol.
- Pag-ampo nga maikagon alang sa pagbobo sa Ikaduhang Ulan sa iglesia, nga ang mensahe sa kaluwasan makakaylap sa mga halayong tumoy sa yuta, ug si Jesus makaanhi na.